



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 414
e – mail: info@voda.ba

Broj: **UP-1/21-3-40-221-4/26**

Datum: **16.07.2026. godine**

«Agencija za vodno područje rijeke Save» Sarajevo, rješavajući po zahtjevu pravnog lica «JASMIN M» d.o.o. Žepče, za donošenje rješenja o vodnoj dozvoli za ispuštanje oborinskih onečišćenih i zauljenih otpadnih voda u prirodni recipijent sa lokaliteta poslovnog kompleksa objekata u naselju Ljeskovica, općina Žepče, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu, «JASMIN M» d.o.o. Žepče daje se vodna dozvola za ispuštanje oborinskih onečišćenih i zauljenih otpadnih voda u prirodni recipijent sa lokaliteta poslovnog kompleksa u naselju Ljeskovica, čija je osnovna namjene - prodaja strojeva, rezervnih dijelova, pribora i opreme za eksploataciju šume, prodaja hidrauličke opreme, rezervnih dijelova i filtera za radne mašine za rudnike, prodaja i servis/remont građevinskih vozila i strojeva. Poslovni kompleks izgrađen je na zemljištu označenom kao k.č. broj: 259, 260/1, 260/2, 260/3, 260/5, 260/6, 260/7, 260/8, 260/9, 261/2, 289/2, 290/1, 290/4 i 290/5 K.O. Ljeskovica, općina Žepče.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz sljedeće uslove:
 - 2.1. Da se upotreba i korištenje predmetnog poslovnog kompleksa objekata vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da se, za vrijeme trajanja ove dozvole, obezbijedi da se oborinske onečišćene vode sa uređenog platoa i manipulativnog prostora zajedno sa zauljenim otpadnim vodama nastalim u postupku servisiranja/remonta vozila i strojeva nesmetano prikupljaju sistemom slivnih rešetki i kanalizacione mreže te odvođe do objekta predviđenog za tretman otpadnih voda (separator ulja i masti), a zatim ovako tretirane vode, preko okna za monitoring, ispuštaju u rijeku Bosnu.
 - 2.3. Prečišćene otpadne vode, prije ispuštanja u recipijent, moraju ostati u granicama maksimalno dopuštenih vrijednosti definisanih članom 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
 - 2.4. Objekte koji se koriste u svrhu prikupljanja, odvodnje i tretmana otpadnih voda (separator ulja i masti, linijske slivničke rešetke, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost. Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu sadržaja separatora ulja i masti, izdvojenim naftnim derivatima i talogu iz separatora ulja i masti.
 - 2.5. Talog iz separatora se ne smije ni privremeno odlagati na česticu «vodno dobro» odnosno u vodotoke i na njihove obale.
 - 2.6. Vlasnik odnosno korisnik poslovnog kompleksa dužan je osigurati redovno ispitivanje kvaliteta otpadnih voda, putem laboratorije ovlaštene od strane Federalnog ministarstva poljoprivrede, vodoprivrede i šumarstva, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.

Izvještaje o ispitivanju i ocjeni kvaliteta otpadnih voda može izraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).

- 2.7. Vlasnik, odnosno korisnik kompleksa objekata je obavezan pridržavati se svih mjera i uslova propisanih u saglasnostima i dozvolama koje su izdate od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11 i 88/12), Prilog 1. Poglavlje V – Određivanje koeficijenta zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cijelosti i u propisanim rokovima obavezu plaćanja vodnih naknada.
4. U periodu važenja ove dozvole, korisnik je dužan provoditi sve mjere i aktivnosti propisane istom.
5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik predmetnog objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne takse.
10. Ova vodna dozvola, shodno članu 117. stav (1) i članu 129. Zakona o vodama se daje s rokom važenja od 5 (pet) godina od dana pravosnažnosti ovog rješenja.
11. Prije isteka važenja ove dozvole korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Od strane pravnog lica «JASMIN M» d.o.o. Žepče, dana 21.05.2026. godine podnesen je ovoj Agenciji zahtjev za donošenje rješenja o vodnoj dozvoli za ispuštanje oborinskih onečišćenih i zauljenih otpadnih voda u prirodni recipijent sa lokaliteta poslovnog kompleksa objekata u naselju Ljeskovica, općina Žepče. U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 043-0-RegZ-26-000621 izdatog dana 19.02.2026. godine od strane Općinskog suda u Zenici,
- Ovjerena kopija Uvjerjenja o poreznoj registraciji izdatog dana 17.07.2007. godine od strane Porezne uprave - Kantonalni ured Zenica,
- Kopija Rješenja o odobrenju gradnje UP-I-Broj: 03-19-2-2172/2023 izdatog dana 05.01.2024. godine za vanjsko uređenje u sklopu proizvodno-poslovnog kompleksa u naselju Ljeskovica, općina Žepče od strane Službe za građevinarstvo i prostorno uređenje Općine Žepče,
- Kopija Rješenja o vodnoj dozvoli broj: UP-1/21-3-40-542-8/23 izdatog dana 11.03.2024 godine od strane «Agencije za vodno područje rijeke Save» Sarajevo,
- Kopija Rješenja o upotrebi UP-I-Broj: 03-19-5-1454/2024 izdatog dana 06.12.2024. godine za vanjsko uređenje u sklopu proizvodno-poslovnog kompleksa od strane Službe za građevinarstvo i prostorno uređenje Općine Žepče,

- Glavni projekat izvedenog stanja vanjskih hidroinstalacija za Poslovno proizvodni kompleks «JASMIN M» urađen od strane «IBIS» d.o.o. Zavidovići (broj: 47-IB-G/24, juni 2024. godine) - na uvid,
- Kopija Rješenja o vodnoj dozvoli broj: UP1-05-21-7246-2/24 izdatog dana 14.03.2025. godine od strane Ministarstva za poljoprivredu, šumarstvo i vodoprivredu Zeničko-dobojskog kantona,
- Kopija Izvještaja o monitoringu kvaliteta i kvantiteta otpadnih voda broj: 7-146-1706/26 urađen 06.03.2026. godine od strane «TQM» d.o.o. Lukavac,
- Kopija Ugovora o čišćenju separatora ulja i masti broj: 230/25-DS zaključenog dana 13.02.2025. godine sa «DELTA PETROL» d.o.o. Kakanj (prilog: radni zapisnik o radovima na pranju i čišćenju separatora od 25.05.2026. godine),
- Kopija Zapisnika broj: UP1-14-21-2-00032/2025-14-P-14-1-P urađenog dana 05.11.2025. godine od strane Federalne uprave za inspekcijske poslove – Vodni inspektorat,
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog poslovnog kompleksa u naselju Ljeskovica, općina Žepče i tom prilikom je sačinjen Zapisnik o uviđaju broj: UP-1/21-3-40-221-3/26 od 08.07.2026. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Poslovni kompleks objekata «JASMIN M» d.o.o. Žepče lociran je u naselju Ljeskovica unutar radne zone Prostornog plana općine Žepče. Prilaz kompleksu obezbijeđen je sa magistralne ceste M-17.1. Žepče – Zavidovići. Djelatnost kompleksa je: prodaja strojeva, rezervnih dijelova, pribora i opreme za eksploataciju šume, prodaja hidrauličke opreme, rezervnih dijelova i filtera za radne mašine za rudnike, prodaja i servis/remont Volvo građevinskih strojeva i vozila.

U sklopu kompleksa izgrađeni su sljedeći objekti: upravna zgrada (sa kuhinjskim/restoranskim prostorom), automehaničarska radionica, skladište repromaterijala, prodajni prostor za auto dijelove, skladište guma, skladište ulja i maziva u originalnoj ambalaži, rezervoar tehničke vode sa pumpnom stanicom, bunari, natkriveni rezervoar za gorivo sa tankvanom (neupotrebljen), parking i manipulativne površine, radni plato, separator ulja i masti, mastolov, anaerobni biološki uređaj.

Snabdijevanje predmetnog poslovnog objekta tehničkom vodom za sanitarne potrebe i hidrantsku mrežu obezbijeđeno je zahvatom vode iz bunara, dok se flaširana voda koristi za potrebe snabdijevanja pitkom vodom. Sanitarno-fekalne vode iz toaleta za uposlene se prikupljaju zasebnim kanalizacionim sistemom i odvođe na tretman u anaerobni biološki uređaj (tip SBR_REG_20). U isti uređaj se odvođe i otpadne vode iz kuhinje/restorana za uposlene, nakon prethodnog tretmana u mastolovu. Od strane nadležnog Ministarstva za poljoprivredu, šumarstvo i vodoprivredu Zeničko-dobojskog kantona izdat je vodni akt za ispuštanje sanitarno-fekalnih voda u prirodni recipijent.

Oborinske onečišćene vode sa radnog platoa i manipulativnih površina, zajedno sa zauljenim vodama iz objekta autoradionice vozila i mašina prikupljaju se zasebnim kanalizacionim sistemom putem slivnika i linijskih slivnih rešetki i odvođe na tretman u separator ulja i masti kapaciteta 150 l/s. Prečišćene vode se, preko okna za monitoring, ispuštaju u rijeku Bosnu.

Monitoring otpadnih voda se vrši redovno. Na uvid je predložen izvještaj o ispitivanju kvaliteta otpadnih voda za mart 2026. godine urađen od strane «TQM» d.o.o. Lukavac. Ispitivani parametri zadovoljavaju MDK utvrđene Uredbom o uslovima ispuštanja otpadnih voda u okoliš i sisteme javne kanalizacije.

Čišćenje i pražnjenje separatora masti i ulja vrši se od strane ovlaštenog pravnog lica «DELTA PETROL» d.o.o. Kakanj prema posebnom Ugovoru.

Za izvedene radove na vanjskom uređenju predmetnog kompleksa (rekonstrukcija postojeće hidrantske i sanitarne mreže, izgradnja nove kanalizacione mreže...) izdato je Rješenje o upotrebi UP-I-Broj: 03-19-5-1454/2024 dana 06.12.2024. godine od strane Službe za graditeljstvo i prostorno uređenje Općina Žepče.

Svi radovi na prikupljanju i tretmanu onečišćenih oborinskih i zauljenih otpadnih voda te ispuštanju prečišćenih voda u rijeku Bosnu sa platoa poslovnog kompleksa u naselju Ljeskovica, općina Žepče izvedeni su u skladu sa Dinamičkim planom na osnovu kojeg je izdato Rješenje o vodnoj dozvoli broj: UP-1/21-3-40-542-8/23 dana 11.03.2024. godine.

Tačka 3. dispozitiva ovog rješenja propisana je u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07, 10/14 i 3/16).

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog poslovnog kompleksa objekata na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi u skladu sa odredbama člana 53. i 116. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama člana 3. tačka s) i cc) Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka, konstatuje se da je podnosilac zahtjeva «JASMIN M» d.o.o. Žepče, ispunio minimum uslova za donošenje rješenja o vodnoj dozvoli za ispuštanje oborinskih onečišćenih i zauljenih otpadnih voda u prirodni recipijent sa lokaliteta poslovnog kompleksa objekata u naselju Ljeskovicu, općina Žepče, te je riješeno kao u dispozitivu ovog Rješenja.

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) korisniku predmetnog objekta utvrđene su obaveze u tački 5. dispozitiva ovog Rješenja.

Podnosilac zahtjeva je uplatio i posebne troškove shodno Zaključku ove Agencije broj: UP-1/21-3-40-221-2/26 od 07.07.2026. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema ovog Rješenja.

Žalba se podnosi ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.inž.građ.

Po ovlaštenju:
Rukovodilac sektora za izdavanje vodnih akata


Nihad Pezo, dipl.inž.građ.

Dostaviti:

- «JASMIN M» d.o.o. Žepče
- Ljeskovicu bb, 72230 Žepče
- AVP Sava, ISV-vodna knjiga
- sektor 50
- sektor 40 – arhiva
- oglasna ploča – AVP Sava